



216. fundur Skólanefndar FS

18. mars 1997

Mættir: Kristbjörn Albertsson, Jón Ingi Baldvinsson, Stefanía Ólafsdóttir, Ingimundur Guðnason, Guðbjörg Ingimundardóttir, áheyrnarfulltrúarnir Guðjón Kristjánsson, Þórunn Friðriksdóttir og Tryggvi Þór Reynisson og Ólafur Jón Arnbjörnsson skólameistari.

Formaður setti fund og síðan var gengið til dagskrár.

Dagskrá:

1. Upplýsingaskylda framhaldsskóla.
2. Reglugerðir við lög 80/1996.
3. Önnur mál.

1. Upplýsingaskylda framhaldsskóla.

Skólameistari sagði frá lögum um upplýsingaskyldu og hugsanlegum áhrifum þeirra á starfsemi skólans.

2. Reglugerðir við lög 80/1996.

Farið yfir og rætt um reglugerðir sem settar hafa verið við lög um framhaldsskóla nr. 80/1996.

3. Önnur mál.

a) Skólameistari óskaði samþykkis skólanefndar til að bjóða upp á nám á sjávarútvegsbraut næsta haust. Samþykkt samhljóða.

b) Skólameistari sagði frá því að hann hefur óskað eftir viðræðum við menntamálaráðherra um stöðu átaks til eflingar starfsmenntunar.

c) Skólameistari sagði frá því að 10 nemendur af grunndeild málmiðna fara í námsferð til Danmerkur í vor. Ferðin er að öllu leyti greidd með styrk frá Leonardo-áætluninni.

d) Tryggvi Þór upplýsti um innheimtu gjalda til nemendafélaga í nokkrum framhaldsskólum.

Fleira ekki gert og fundi slitið.

Guðmann Kristþórsson

Guðmann Kristþórsson,
fundarritari



Tilvísun

Til skólameistara framhaldsskóla
sem starfa skv. lögum nr. 80/1996

97030056
13.000

Reykjavík, 6. mars 1997
ES/--

Meðfylgjandi reglugerðir við lög nr. 80/1996 um framhaldsskóla hafa verið birtar í Stjórnartíðindum og hafa þar með öðlast gildi:

Stjtið. B, nr. 132/1997	Reglugerð um skólanefndir við framhaldsskóla.
Stjtið. B, nr. 137/1997	Reglugerð um viðurkenningu einkaskóla á framhaldskólastigi.
Stjtið. B, nr. 138/1997	Reglugerð um almenna kennarafundi í framhaldsskólum.
Stjtið. B, nr. 139/1997	Reglugerð um eftirlit með starfi framhaldsskóla og námsefni og ráðgjöf vegna kennslu og þróunarstarfa.
Stjtið. B, nr. 140/1997	Reglugerð um skólaráð við framhaldsskóla.
Stjtið. B, nr. 141/1997	Reglugerð um söfnun og dreifingu upplýsinga um skólastarf á framhaldsskólastigi.

Ráðuneytið felur yður að sjá til þess að reglugerðirnar berist í hendur fulltrúa í skólanefnd skólans.

Vakin er athygli á því að reglugerðirnar hafa verið settar inn á heimasíðu ráðuneytisins, veffang <http://frodi.stjr.is/mrn>

F.h.r.

Hönnuðin

/Elm' Skarphedinn

Reglugerð um skólanefndir við framhaldsskóla.

1. gr.

Menntamálaráðherra skipar skólanefnd við hvern framhaldsskóla til fjögurra ára í senn. Í skólanefnd skulu sitja 5 menn: þrír fulltrúar án tilnefningar og skulu þeir að jafnaði búsettir í sveitarfélagi sem á aðild að skólanum, tveir fulltrúar tilnefndir af hlutaðeigandi sveitarstjórn/-um í viðkomandi landshluta. Varamenn eru valdir með sama hætti. Nefndin velur sér formann til eins árs í senn. Skólameistari kallar skólanefnd saman til fyrsta fundar og stýrir kjöri formanns.

Áheyrnarfulltrúar eru tveir með málfrelsi og tillögurétt, tilnefndir til eins árs í senn, annar af kennurum skólans en hinn af nemendafélagi skólans. Skólameistari skal leita eftir tilnefningum áheyrnarfulltrúa.

Skólameistari situr fundi skólanefndar með málfrelsi og tillögurétt og er framkvæmdastjóri hennar. Skólameistari undirbýr fundi skólanefndar í samráði við formann.

2. gr.

Með vísan til heimildar í 3. mgr. 6. gr. laga nr. 80/1996 um framhaldsskóla eru skólanefndir Stýrimannaskólans í Reykjavík og Vélskóla Íslands skipaðar sem hér segir:

- a. Stýrimannaskólinn í Reykjavík: Menntamálaráðherra skipar 5 menn í skólanefnd skólans til fjögurra ára sem hér segir: Tvo samkvæmt tilnefningu Farmanna- og fiskimannasambands Íslands, annan úr farmannastétt, hinn úr fiskimannastétt, einn samkvæmt tilnefningu Vinnuveitendasambands Íslands, einn samkvæmt tilnefningu Landssambands íslenskra útvegsmanna og einn án tilnefningar. Varamenn eru valdir með sama hætti. Nefndin velur sér formann til eins árs í senn.

Áheyrnarfulltrúar eru tveir með málfrelsi og tillögurétt, tilnefndir til eins árs í senn, annar af kennurum skólans en hinn af nemendafélagi skólans. Skólameistari skal leita eftir tilnefningum áheyrnarfulltrúa.

Skólameistari situr fundi skólanefndar með málfrelsi og tillögurétt og er framkvæmdastjóri hennar. Skólameistari undirbýr fundi skólanefndar í samráði við formann.

- b. Vélskóli Íslands: Menntamálaráðherra skipar 5 menn í skólanefnd skólans til fjögurra ára sem hér segir: Tvo samkvæmt tilnefningu Vélstjórafélags Íslands, tvo samkvæmt tilnefningu Vinnuveitendasambands Íslands og einn án tilnefningar.

Varamenn eru valdir með sama hætti. Nefndin velur sér formann til eins árs í senn. Áheyrnarfulltrúar eru tveir með málfrelsi og tillögurétt, tilnefndir til eins árs í senn, annar af kennurum skólans en hinn af nemendafélagi skólans. Skólameistari skal leita eftir tilnefningum áheyrnarfulltrúa.

Skólameistari situr fundi skólanefndar með málfrelsi og tillögurétt og er framkvæmdastjóri hennar. Skólameistari undirbýr fundi skólanefndar í samráði við formann.

3. gr.

Ráðherra getur heimilað sveitarstjórn/-um að tveir framhaldsskólar eða fleiri sameinist um eina skólanefnd.

4. gr.

Hlutverk skólanefndar er að:

- a. marka áherslur í starfi skólans og stuðla að sem bestum tengslum hans við atvinnu- og menningarlíf,
- b. stuðla að bættu samstarfi skóla og atvinnulífs í viðkomandi byggðarlagi. Í því skyni er skólanefnd heimilt að setja á fót sérstakar ráðgjafarnefndir sem í skulu sitja fulltrúar skóla, launþega og atvinnurekenda,
- c. ákveða ásamt skólameistara námsframboð skóla. Ákvörðunin er háð samþykki menntamálaráðherra,
- d. samþykkja skólanámskrá skólans að fenginni umsögn almenns kennarafundar og fylgjast með framkvæmd hennar,
- e. gera árlega starfs- og fjárhagsáætlun fyrir skólann til þriggja ára í senn og leita samþykkis menntamálaráðherra fyrir henni,
- f. gera í upphafi hvers árs fjárhagsáætlun í samræmi við niðurstöður fjárlaga og fylgjast með að henni sé framfylgt,
- g. gera menntamálaráðherra grein fyrir rekstrarstöðu skólans í febrúar og ágúst ár hvert,
- h. ákveða upphæð þeirra gjalda sem nemendum er gert að greiða skv. lögum,
- i. fjalla um samninga sem viðkomandi skóli er aðili að, s.s. samninga við menntamálaráðuneytið, fyrirtæki eða stofnanir,
- j. staðfesta samninga sem gerðir eru um notkun heimavistarhúsnæðis utan skólatíma,
- k. setja reglur um notkun skólahúsnæðis utan skólatíma og ákveða upphæð gjalds er tekið skal fyrir slík afnot,
- l. gera tillögur til menntamálaráðherra um ráðningu skólameistara,
- m. vera skólameistara til samráðs um starfsmannaráðningar við skólann.

Skólanefnd er heimilt, ef þörf krefur, að millifæra fé. af rekstrarlið fjárlaga til launaliðar og af launalið til rekstrarliðar. Menntamálaráðuneytið stendur að þeirri millifærslu að fengnu almennu rekstraryfirliti og upplýsingum um fjölda nemenda frá viðkomandi skóla.

Skólanefnd getur stofnað sjóði við skólann með sérgreindum fjárhag. Skal um þá sett skipulagsskrá, leitað staðfestingar á henni og hún birt í Stjórnartíðindum.

5. gr.

Fráfarandi skólanefnd heldur fullu starfsumboði þar til ný nefnd hefur verið skipuð.

6. gr.

Halda skal gerðabók um skólanefndarfundi og senda skólaráði og menntamálaráðuneyti afrit fundargerða nema þegar um trúnaðarmál er að ræða. Fundargerðir skólanefndarfunda skulu liggja frammi í skólanum.

7. gr.

Reglugerð þessi er sett samkvæmt heimild í 6. og 7. grein laga nr. 80/1996 um framhaldsskóla og öðlast þegar gildi.

Menntamálaráðuneytinu, 11. febrúar 1997.

Björn Bjarnason.

Guðríður Sigurðardóttir.

Reglugerð

um viðurkenningu einkaskóla á framhaldsskólastigi.

1. gr.

Menntamálaráðherra getur veitt skólum á framhaldsskólastigi sem reknir eru af einkaðilum eða samtökum viðurkenningu á grundvelli laga og reglugerða er varða framhaldsskóla enda miðist starfsemi þeirra við að:

- a. veita nemendum undirbúning til starfa í atvinnulífinu,
- b. að starfrækja nám á framhaldsskólastigi, annaðhvort heildstætt nám skv. aðalnámskrá, eða hluta þess.

2. gr.

Viðurkenning er veitt skriflega og þar skal lýst þeim skilyrðum sem sett eru sbr. 3. grein. Viðurkenningu skal veita til tiltekins tíma og er starfsemin háð eftirliti menntamálaráðuneytisins. Viðurkenning á starfsemi einkaskóla felur ekki í sér framlag til starfseminnar af almannafé. Ráðuneytið metur starfsemina út frá þeim skilyrðum sem sett eru í hverju tilviki skv. bréfi eða samningi. Þeim aðila er ábyrgð ber á rekstri viðurkennds einkaskóla er skylt að senda menntamálaráðuneytinu árlega skýrslu um starfsemina og veita allar umbeðnar upplýsingar um rekstur og starfsemi skólans þegar óskað er. Ráðherra getur afturkallað viðurkenningu ef rekstraraðili uppfyllir ekki sett skilyrði.

3. gr.

Skilyrði þess að einkaskóli geti hlotið viðurkenningu eru:

- a. að námið sé skipulagt sem a.m.k. einnar annar heildstætt nám,
- b. að inntökuskilyrði hafi verið skilgreind.

4. gr.

Með umsókn um viðurkenningu skulu m.a. eftirfarandi upplýsingar fylgja:

- a. lýsing á markmiðum námsins og námslokum, þ.e. lýsing á stöðu nemanda þegar hann hefur lokið náminu,
- b. námskrá sem lýsir innihaldi námsins svo og skipulagi, bæði bóklegu og verklegu,
- c. lýsing á tilhögun námsmats,
- d. lýsing á aðstöðu, þ. e. húsnæði og búnaði,
- e. upplýsingar um stafsmenn,
- f. upplýsingar um að fjármögnun viðkomandi stofnunar sé tryggð.

5. gr.

Einkaskólar eiga ekki kröfu á framlögum af almannafé. Alþingi ákveður framlög ríkissjóðs til þessara skóla. Njóti einkaskólar framlags af opinberu fé skal gerður verk-samningur milli menntamálaráðherra og rekstraraðila skólans um greiðslu fjárframlaga svo og annarra skilyrða sem framlagið er háð að mati samningsaðila.

6. gr.

Reglugerðin er sett samkvæmt heimild í 41. gr. laga nr. 80/1996 um framhaldsskóla og öðlast þegar gildi.

Menntamálaráðuneytinu, 7. febrúar 1997.

Björn Bjarnason.

Stefán Baldursson.

Reglugerð

um almenna kennarafundi í framhaldsskólum.

1. gr.

Almennir kennarafundir í framhaldsskólum skulu fjalla um stefnumörkun í starfi skólans, m.a. námsskipan, kennsluhætti, gerð skólanámskrár, skipulag starfstíma skólans á önn/hverju ári, tilhögun prófa og námsmat.

Skólanefnd, skólameistari og skólaráð geta leitað umsagnar kennarafundar um önnur mál, þ.á m. um ráðningu í stjórnunarstörf við skólann. Kennarafundur getur haft frumkvæði að því að mál komi til meðferðar skólanefndar og/eða skólaráðs.

Kennarafundur kýs við upphaf haustannar fulltrúa í skólaráð og áheyrnarfulltrúa í skólanefnd.

2. gr.

Halda skal kennarafund eigi sjaldnar en tvisvar á önn. Skólameistari boðar til fundarins. Skylt er skólameistara að halda kennarafund ef fulltrúar kennara í skólaráði eða þriðjungur fastra kennara skólans krefjast þess.

3. gr.

Kennarafundi skal halda innan dagvinnumarka á starfstíma skólans og skal til þeirra boðað með a.m.k. tveggja daga fyrirvara og dagskrá. Allir kennarar sem starfandi eru við skólann eiga rétt til setu á kennarafundi. Skólameistari undirbýr mál er fyrir kennarafund koma, en öllum sem þar eiga seturétt er heimilt að bera þar fram mál.

4. gr.

Skólameistari sér um að samþykktum kennarafunda sé komið á framfæri við rétta aðila nema fundurinn ákveði að hafa annan hátt á. Halda skal gerðabók um kennarafundi.

5. gr.

Reglugerð þessi er sett samkvæmt heimild í 9. gr. laga nr. 80/1996 um framhaldsskóla og öðlast þegar gildi.

Menntamálaráðuneytinu, 7. febrúar 1997.

Björn Bjarnason.

Stefán Baldursson.

Reglugerð

um eftirlit með starfi framhaldsskóla og námsefni og um ráðgjöf vegna kennslu og þróunarstarfa.

1. gr.

Menntamálaráðherra fer með yfirstjórn málefna framhaldsskóla. Hann hefur reglulegt eftirlit með starfi þeirra og fylgist með að það sé í samræmi við lög, reglugerðir og aðalnámskrá.

2. gr.

Menntamálaráðherra fylgist með því að skólar leggi reglulega mat á starfsemi sína og sér um að utanaðkomandi aðilar geri á fimm ára fresti úttekt á sjálfsmatsaðferðum skóla.

Menntamálaráðherra lætur, að eigin frumkvæði eða að ósk framhaldsskóla, fara fram úttekt á starfsemi skóla svo oft sem hann telur þörf á. Slík úttekt getur bæði tekið til faglegra og fjárhagslegra þátta og miðast við ákveðna þætti skólustarfs eða heildarmat á starfi einstakra framhaldsskóla.

Sem lið í eftirliti með starfi framhaldsskóla getur menntamálaráðherra látið fara fram könnunarpróf í einstökum námsgreinum sem kenndar eru á framhaldsskólastigi, m.a. í þeim tilgangi að afla upplýsinga um námsárangur og námsstöðu nemenda.

3. gr.

Menntamálaráðherra hefur eftirlit með því að það námsefni sem notað er í framhaldsskólum sé í samræmi við markmið aðalnámskrár og teljist uppfylla gæðakröfur að mati fagaðila er menntamálaráðherra tilnefnir. Eftirlit með námsefni felst m.a. í úttekt eða könnun á námsefni í tilteknum námsgreinum eða í einstökum skólum.

4. gr.

Ef í ljós kemur, að undangengnu mati eða að fengnum öðrum upplýsingum, að starfsemi framhaldsskóla er í einhverju efni ábótavant tilkynnir menntamálaráðherra það skólameistara og skólanefnd formlega með fyrirmælum um að úr verði bætt innan tiltekins tímafrests. Tillögur skólameistara og skólanefndar um úrbætur skulu berast menntamálaráðherra til samþykktar innan tilgreinds tímafrests. Menntamálaráðherra hlutast til um að skólar fái ráðgjöf eftir því sem þörf krefur og fylgist með að úr sé bætt í samræmi við samþykktar tillögur.

5. gr.

Menntamálaráðherra sér til þess að starfsmönnum skóla standi til boða, eftir því sem fé er veitt til á fjárlögum, ráðgjöf vegna kennslu og þróunarstarfa. Slík ráðgjöf getur falist í námskeiðum fyrir einstaka starfsmenn framhaldsskóla eða skólann í heild, aðstoð sérfræðinga sem vinna tímabundið í framhaldsskólum eða samningi við stofnun sem sinnir verkefnum á þessu sviði í þágu framhaldsskóla.

6. gr.

Menntamálaráðherra fylgist reglulega með því að framhaldsskólar hafi, að hans mati, fullnægjandi aðstöðu varðandi húsnæði og búnað. Skólanefnd og skólameistari skulu gera grein fyrir ástandi húsnæðis og búnaðar þegar menntamálaráðherra óskar. Menntamálaráðherra lætur gera úttektir á fasteignum og búnaði framhaldsskóla eftir því sem hann telur þörf á.

7. gr.

Reglugerð þessi er sett samkvæmt 4. gr., sbr. 23. gr., laga nr. 80/1996 um framhaldsskóla og öðlast þegar gildi.

Menntamálaráðuneytinu, 7. febrúar 1997.

Björn Bjarnason.

Guðríður Sigurðardóttir.

Reglugerð

um skólaráð við framhaldsskóla.

1. gr.

Skólaráð starfa við framhaldsskóla. Kosið skal til skólaráðs við upphaf hvers skólaárs. Í ráðinu sitja tveir fulltrúar kennara, kjörnir á fyrsta almenna kennarafundi skólaársins. Nemendaráð kys tvo fulltrúa í skólaráð. Aðstoðarskólameistari og áfangastjóri sitja í skólaráði. Starfi öldungadeild við framhaldsskóla skulu fulltrúar nemenda við þær sitja fundi skólaráðs þegar málefni þeirra eru á dagskrá. Skólameistari er oddviti skólaráðs og stýrir fundum þess.

Beri engir starfsmenn framhaldsskóla starfsheitið aðstoðarskólameistari eða áfanga-
stjóri taka þeir sem gegna sambærilegum störfum sæti í skólaráði.

2. gr.

Skólaráð:

- er skólameistara til aðstoðar og ráðgjafar um stjórn skólans,
- fjallar um starfsáætlun skólans og framkvæmd hennar,
- fjallar um skólareglur, umgengnishætti í skólanum, vinnu- og félagsaðstöðu nemenda,
- veitir umsögn um erindi frá skólanefnd, almennum kennarafundi, nemendaráði, einstaklingum, skólameistara og menntamálaráðuneytinu sé þess óskað,
- fjallar um mál sem varða einstaka nemendur. Með slík mál skal farið sem trúnaðarmál.

3. gr.

Skólaráð getur vísað erindum sem það hefur fjallað um, ásamt umsögn, til skóla-
nefndar, kennarafundar eða nemendaráðs.

Rísi ágreiningur í skólaráði skal leitast við að jafna hann og reyna að ná niðurstöðu án þess að greiða þurfi atkvæði. Komi til atkvæðagreiðslu um mál ræður afl atkvæða. Falli atkvæði jöfn ræður atkvæði skólameistara.

4. gr.

Skólaráð starfar á starfstíma skóla, en heimilt er að kalla það saman á öðrum tíma beri brýna nauðsyn til. Skólameistari boðar til funda. Skytt er að kalla saman fund ef tveir eða fleiri skólaráðsmenn óska þess.

Halda skal gerðabók um skólaráðsfundi og skulu fundargerðir liggja frammi í skólanum.

5. gr.

Reglugerð þessi er sett samkvæmt heimild í 8. gr. laga nr. 80/1996 um framhaldsskóla og öðlast þegar gildi.

Menntamálaráðuneytinu, 7. febrúar 1997.

Björn Bjarnason.

Stefán Baldursson.

Reglugerð

um söfnun og dreifingu upplýsinga um skólastarf á framhaldsskólastigi.

1. gr.

Menntamálaráðherra fer með yfirstjórn málefna framhaldsskóla og ber ábyrgð á öflun upplýsinga um skólahald og skólastarf á framhaldsskólastigi, úrvinnslu slíkra upplýsinga og miðlun þeirra til Alþingis, stofnana innanlands og utan og almennings.

Kerfisbundinni söfnun upplýsinga um skólahald er m. a. ætlað að leggja grunn að mati á skólastarfi og eftirliti með því.

2. gr.

Þegar menntamálaráðherra óskar, er skólameistara og skólanefnd framhaldsskóla skylt að gera menntamálaráðherra grein fyrir skólahaldi í skóla sínum og hafa þær upplýsingar á tölvutæku formi.

3. gr.

Menntamálaráðherra sér til þess að fyrir liggi m.a. upplýsingar um eftirtalda þætti:

- a. *Nemendur*: Fjöldi nemenda í framhaldsskólum, aldur þeirra, kyn og dreifingu á námsbrautir og skóla.
- b. *Námsferill og árangur*: Námsgengi, brottfall, niðurstöður lokaprófa og samræmdra lokaprófa.
- c. *Innra starf skóla*: Námsgreinar, kennslumagn, námsgögn, skólanámskrá, mat á skólastarfi, starfstími, sérkennsla.
- d. *Aðstaða*: Húsa- og tækjakostur.
- e. *Fjármál*: Kennslukostnaður, rekstrarkostnaður, sértekjur.
- f. *Starfsfólk*: Fjöldi, starfsheiti, menntun, starfsferill, stöðuhlutfall, aldur, starfsaldur og kyn.

Við söfnun og dreifingu upplýsinga skal gæta ákvæða laga um skráningu og meðferð persónuupplýsinga.

4. gr.

Reglugerð þessi er sett samkvæmt 4. grein laga um framhaldsskóla nr. 80/1996 og öðlast þegar gildir.

Menntamálaráðuneytinu, 7. febrúar 1997.

Björn Bjarnason.

Guðríður Sigurðardóttir.

Sjávarútvegsbraut

68 einingar

Brautin veitir undirbúning fyrir skipstjórnarnám. Einnig veitir nám af brautinni réttindi til skipstjórnar á skipum allt að 30 tonnum*.
Meðalnámstími á brautinni er 4 annir.

1. Móðurmál		8 ein.
Íslenska	ÍSL 102, 202, 212 (103, 203)	
Tjáning**	TJÁ 2 ein.	
2. Erlend tungumál		10 ein.
Danska	DAN 102, 202	
Enska	ENS 102, 202, 212 (103, 203)	
3. Samfélagsgreinar		3 ein.
Félagsfræði*	FÉL 103/102	
4. Raungreinar		9 ein.
Eðlisfræði	EÐL 103/102	
Efnafræði	EFN 103	
Líffræði	LÍF 103	
5. Stærðfræði		9 ein.
Stærðfræði	STÆ 102, 202, 212 + 3	
6. Tölvufræði		3 ein.
Tölvufræði	TÖL 103	
8. Sérgreinar		22 ein.
Aflameðferð og vinnsla	AFV 112	
Bókfærsla	BÓK 102	
Haffræði	HAF 101	
Markaðsfræði	MAR 113	
Sjávarútvegur	SJÁ 113	
Sjómennska	SJÓ 112, 212	
Skipstjórn (30 tonn)	SKI 106	
Öryggi og slysavarnir	ÖRS 101	
9. Íþróttir		4 ein.

* Gert er ráð fyrir að áfram verði hægt að taka 30 tonna réttindin og vélgæsluréttindin á námskeiðum.

** Í stað TJÁ 102 og FÉL 103 er skólum heimilt að kenna áfangann SAM 106.

Til Oddmáttar Harðarssonar

19. mars 1997

Fréttatilkynning frá menntamálaráðuneytinu

Menntamálaráðuneytið hefur ákveðið breytingar á skipan skipstjórnarnáms sem taka gildi frá og með næsta skólaári. Tillögur um breytt skipstjórnarnám voru lagðar fram af menntamálaráðuneytinu sumarið 1996 og voru þær síðan sendar hagsmunaaðilum til umsagnar. Að teknu tilliti til þessara umsagna hefur ráðuneytið ákveðið skipan námsins. Helstu breytingar á náminu eru eftirfarandi:

Námið mun skiptast í tvo hluta. Annars vegar tveggja ára nám á sjávarútvegsbraut sem boðið verður fram við ýmsa framhaldsskóla og hins vegar tveggja ára fagnám sem eingöngu verður boðið fram í Stýrimannaskólanum í Reykjavík.

Nám á sjávarútvegsbraut mun verða í boði ef næg þátttaka fæst við Stýrimannaskólann í Reykjavík, Fjölbrautaskóla Suðurnesja, Framhalds-skóla Vestfjarða, Verkmenntaskólann á Akureyri - Sjávarútvegssvið á Dalvík, Verkmenntaskóla Austurlands, Framhaldsskólann í Austur - Skaftafellssýslu og Framhaldsskólann í Vestmannaeyjum. Um er að ræða 68 eininga nám sem tekur 2 ár eða 4 annir. 46 einingar eru nám í almennum greinum sem boðnar eru fram á flestum brautum framhaldsskólanna og 22 einingar eru sérgreinar um sjávarútveg. Nám af brautinni veitir réttindi til skipstjórnar á skipum allt að 30 rúmlestum og til vélgæslu á skipum allt að 20 rúmlestum með aðalvél minni en 221 kw. Nám af brautinni er skilyrði til inngöngu í fagnám við Stýrimannaskólann í Reykjavík.

Fagnám til skipstjórnar með breyttu sniði mun verða boðið fram við Stýrimannaskólann í Reykjavík í fyrsta skipti haustið 1999. Námið tekur 2 ár og skiptist í 3 stig eins og það gerir í dag. Unnið er að nýrri námskrá fyrir námið og mun hún væntanlega verða tilbúin haustið 1998 um leið og heildarnámskrá fyrir framhaldsskólann verður gefin út.

Karl Kristjánsson, deildarsérfræðingur

1999 - Fagnám.